



HIVULIQTI AKEEAGOK

TUHAQTIDJUTAA



Hivuliqti itqaumajaa Nunarjuami Ublua Itquumanikkut Mamihainirmunlu

Nunavut naunaiqidjutigijaa pinghuat Nunarjuami Ublua Itquumanikkut Mamihainirmunlu talvani Apitilirvia 30^{mi}, ilihimajaujurlu taimaa iluani Nunaqaqqaahimajun nunallaanginni taimaatun Apajaangajuq Akuruuq Ublua Hivuliqti Akeeagok upautijuq hulilukaaqtuni Iqalungni, hulilukaarutigijaat Qikiqtani Inuit Kaatimajiit, ilitarijumavlugin tahapkuat tammaqhimajun ahini ilihariaqtuqhimajun iliharviinni nan'ngarilugillu annakhimajun, ilagiiktun, nunallaallu. ➤ **Taiguaqhimmaarit**

Nunavut unalu Ontario sainiqtaat nutaamik angirunmik

Uvani Niqiliqivik 2023, Hivuliqti P.J. Akeeagok unalu Ontario Hivuliqti Doug Ford ublumi sainiqtaat una Angiqatigiingnirmut Nalunaitkutingit ihuaqhiuumilugu havaqatigiigutikhaq amihunun aallatqiinun piqatigijanun pilluagakanun, ilagijait munaqhiliqiniq, ingilradjutin, aulapkaidjutin unalu Nunaqaqqaahimajunun piqatigiigutikhat.

➤ **Taiguaqhimmaarit**



Ministait Katimajiit tun'ngahuktittijaat nutaat ministat

Apitilirviani, Atangujat Katimajiit tun'ngahuktitaajut malrunnik nuutaanik ilaujukharnik. Hivuliqti Akeeagok havaktitait Pitquhiliqijitkut, Uqauhiit Qulliq Alrujaqtuqtunik Ikumadjutiit havaarijait Nan'ngarijaujuq Joeline Kaerner. Nan'ngarijaujuq Daniel Qavvik angiqtaat Avatiliqijitkut, Auladjutikhat ukuallu Nunavunmi Ilihariaqpaallirvik havaarijakhait.

➤ **Taiguaqhimmaarit**

Nunavut tunihijut ikajuutinik NWTmi nunap ikualaarniranun

Nunavut Kavamanga tunihijun \$250,000 uvunga United Way Nunattiami Amigarnarnikkut Kiudjutikkut Maniliqtuutikhanik ikajutikhat inungnun hulaqtihimajun ikualaarnirnin uumani aujami. Mangit pidjtauajut havaanun timiujunun tapkua ikajuutaujut nunamingnin qimaijunun ahinun NWTmi ikualaqtuqaqtuni.

➤ **Taiguaqhimmaarit**

Nunavut tunihijut \$250,000
ikajuutikhamik NWT-mi
iqualaqtuqaqtuni



Le Nunavut verse 250 000 \$ pour
la lutte aux feux incontrôlés dans
les Territoires du Nord-Ouest



Hivuliqti pulaaqtuq Uqhuqtuumun

Taaqhivalirviani, Hivuliqti Akeegok aquijuq Uqhuqtuumut katimaqatigivaktaillu haamlatkut katimajiit ilaujut ukuallu Kikitak Igluliqijitkut Katimajiit. Pulaaqhugillu Kativik Aanniaqtailinirmun Ukuallu Inulijit Katimavia, Uqhuqtuup aulahimaaqtumik munaqhivik, najugaalu hivungani Nunavut



3000 iglutigut igluqpinirmun. Nan'ngarijaujuq tautugiami nunallaap ajutpiaqtuq qilaudjaqtutingniugtullu katimapaikblutiklu nunallaami niripkaibluni.

➤ [Taiguaqhimmaarit](#)



Ministat Katimadjutaa Kinngainni

Hivuliqti Akeegok ukuallu Nunavutim ministait katimajut Kinngaini Apitilirviani. Pulaaqtilluni Kinngainmun, Hivuliqti takujaqtuq Kinngainmi pauwaliqivianun, munarhitkunnun, unalu Peter Pitseolak Iliharvik. Pulaaqtaqtut iniqtirutaat nunallaami niripkaijuni. Hivuliqti qujagijait Kinngait tun'ngahuktittingmata.

➤ [Taiguaqhimmaarit](#)



Hivuliqti pulaaqtuq Kimmirutmun

Uvani Tattiarnaqhilirvia, Hivuliqti Akeegok tingmijuq Kimmirutmun pulaaqhugit haamlatkut katimajiit, iliaqtut uvani Qaqalik Iliharviani, havaktillu munaqhikuni.

➤ [Taiguaqhimmaarit](#)






Kanadaup hivuliqtiit katimavaktun Winnipeg-mi

Hivuliqti Akeegok unalu Kanadaup hivuliqtiit katimavaktun Taaqhivalirviani uqautigiplugit inungnun qajangnaujutikhat, havangnikkut, akituvallangittunik, iglukhanik, piangaijarnikkut naunirnik, ukiuqtaqtumilu amirittiarnikkut aulapkainikkullu. Hivuliqtiit katitiqpaktullu katimaqatigivlugin Kanadami Nunaqaqqaahimajut timiqutini havagiami mamiharnikkut.

➤ [Taiguaqhimmaarit](#)



Uataani Hivuliqtiit katimadjutaa Whistler-mi

Hivuliqti Akeegok tingmihimajuq Whistler-mun, British Columbia-mun Taaqhivalirviani katimaqatigivlugin Kanadaup uataani hivuliqtiit. Uqautigijait piqatigiigutimignik pilluagakhanik aulapkainikkullu, himiqtuutikhanun, ihariagijaujun ujaqaqhiurutin, ukiuqtaqtumilu amirhinirmun atanniqtuidjutiqarnimnlu.

➤ [Taiguaqhimmaarit](#)

Atlantic Hivuliqtiit Katimajiit katimadjutait

Katimajiit Atlantic-min Hivuliqtiit katimajut Imaruqtirviani havaqatigiiklutik piqatigii-gutikhamingnun pilluagakhanun. Nunavut Kavamanga takujumaliqtut paanariirutikhamun akun'ngani Atlantic hinaanit avikturmiit.

➤ [Taiguaqhimmaarit](#)



QEC-kut Ataniqarviat Havagvik iniqtaujuq Qamaniittuami

Hivuliqti Akeegok quviahuktuq tingmijaami Qamanittumun ilaujaami angmaqtirutaani Qulliq Alrujaqtuqtunik Ikumadjutiit atanngujaqarvianun, hilarlungnik ulapiqtaujuq QEC-kut katimajiinnun nunallaamungaujaami. Quanaqqut haamatkut ikajuutainun, Hivuliqti nunallaami niripkaijuq quviahuutigibluu ikajuutait QEC-kut havaktiik.

➤ [Taiguaqhimmaarit](#)

